



Concello de Vigo
Asesoría Xurídica

CONDICIÓN PARA A PRESENTACIÓN DE OFERTAS

O procedemento que co número de expediente 11197/111 se tramita, é un contrato menor de servizos xurídicos para a contratación dun avogado colexiado.

O obxecto do contrato é o labor de defensa xurídica do Excmo. Concello de Vigo no Procedemento DOI 963/2017, no Xulgado do Social nº 4 de Vigo, que figura sinalado para o día 25/4/2018. O Concello de Vigo figura como codemandado neste procedemento (conexo con outros tres sinalados con anterioridade) a celebrar.

A Asesoría Xurídica do Concello de Vigo facilitará ao adxudicatario toda a documentación recibida en relación a este procedemento para a mellor defensa, a que precise adicionalmente e que garde relación co obxecto do preito, así como información adicional na xuntanza obrigatoria que manterá cun funcionario Letrado da Asesoría Xurídica, logo da adxudicación do mesmo.

O obxecto do recurso o constitúe o despedimento do demandante, por extinción da Fundación na que prestaba servizos o actor. O Concello de Vigo -entre outros- figuraba como patrono nesta fundación, e figura codemandado neste procedemento. A parte demandada conta con persoalidade xurídica propia e coa súa propia defensa letrada, coa que se facilitará o contacto para coordinación da defensa deste preito. O actor asinou un contrato de alta dirección coa Fundación.

Atendendo ás circunstancias particulares deste asunto, no que parte da fundamentación xurídica se facilitará pola Asesoría Xurídica do Concello de Vigo nunha nota de vista, por ser común en canto ao fondo con respecto aos tres preitos que se celebrarán con anterioridade, e mesmo se podería dispoñer xa dunha sentenza, do feito de que se trata dun único procedemento, que a demandada principal conta con defensa xurídica propia, e de que o art. 44 do RD 658/2001 establece a liberdade de fixación de contía de honorarios, considérase que a cantidade de 2.500 € máximo -excluído IVE- resulta proporcional á adicación por parte do letrado adxudicatario, á complexidade do asunto, e aos servizos a prestar, en definitiva.

Praza do Rei, 1 36202 Vigo (Pontevedra) - (986) 81 02 19 - ofi.asegur@vigo.org



Copia auténtica do orixinal - Concello de Vigo

Data impresión: 22/01/2018 11:36

Páxina 1 de 3

Expediente 11197/111

CSV: 2EED4-BE532-8C2AA-E53B5

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

Esta cantidade incluíra en todo caso as funcións de defensa na segunda (Suplicación) e terceira (Casación) instancias, de resultar finalmente ese o curso deste procedemento.

Os servizos prestaranse ata o momento de devolución dos autos ao órgano xurisdiccional de instancia no Partido Xudicial de Vigo, para o seu arquivo, ou ben execución da sentenza.

A fase de execución da sentenza, para o caso de resultar condenatoria corresponderá ao Concello de Vigo.

Os servizos necesarios de Procurador/a se fornecerán por parte do Concello de Vigo, de modo que non se permite a súa contratación polo adxudicatario nin se abonará factura algunha ou recoñecerá dereito en favor de Procurador/a colexiado/a que non figure contratado polo Concello de Vigo no expediente 9408/111.

Para a presentación de ofertas, ábrese un prazo de 5 días hábiles dende a publicación no perfil do contratante do Concello de Vigo da documentación relativa a este contrato, a presentar de conformidade co art. 16 da Lei 39/2015, do 1 de outubro, do Procedemento Administrativo Común das Administracións Públicas.

Deberán presentar a oferta coa proposición económica, e o documento de declaración responsable que se proporciona no perfil do contratante, xunto coa seguinte documentación:

- Copia do Documento Nacional de Identidade.
- Acreditación da alta como colexiado exercente, con identificación do seu número.
- Acreditación da alta no sistema Lexnet.
- Unha experiencia acreditada de máis de 5 anos en servizos de igual ou semellante natureza ao contratado, especificamente na Xurisdicción Social, a modo de relación de encargos debidamente anonimizados pero con indicación de contía e destinatario público ou privado dos mesmos. Non se esixe unha contía mínima.

Será causa de exclusión do procedemento a falta de presentación de calquera destes documentos, así como a incorrección, erros ou omisións no modelo de declaración responsable. O incumprimento ou falsidade nos requisitos establecidos na mesma poderá dar lugar ás responsabilidades legais correspondentes.

Praza do Rei, 1 36202 Vigo (Pontevedra) - (986) 81 02 19 - ofi.asegur@vigo.org



Copia auténtica do orixinal - Concello de Vigo

Data impresión: 22/01/2018 11:36

Páxina 2 de 3

Expediente 11197/111

CSV: 2EED4-BE532-8C2AA-E53B5

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>



Concello de Vigo

Asesoría Xurídica

A oferta con maior valoración será a que oferte un prezo máis baixo con relación ao máximo fixado nesta licitación. En caso de que dous licitadores obtivesen idéntica puntuación por ofertar o mesmo importe, e ser este o máis baixo da totalidade de ofertas, resolverase por un sorteo.

No perfil do contratante se publicará a data de apertura das ofertas cunha antelación mínima de 3 días hábiles, en sesión pública na que se procederá á comprobación da presentación da documentación e que figure correcta, así como á publicidade nese acto das ofertas económicas presentadas. Para o caso de celebrarse un sorteo, se informaría verbalmente no mesmo acto de apertura das ofertas da data de celebración do mesmo.

Deben presentar o documento de oferta coa proposición económica, o modelo de declaración responsable, e a documentación esixida nun único sobre, pechado e asinado, cos datos identificativos do licitador, e a indicación do número de expediente, a rexistrar no Rexistro Xeral do Concello de Vigo, ou en calquera dos sinalados no art. 16.4 da Lei 39/2015, dentro do prazo habilitado para o efecto.

(asinado dixitalmente)

Praza do Rei, 1 36202 Vigo (Pontevedra) - (986) 81 02 19 - ofi.asegur@vigo.org



Copia auténtica do orixinal - Concello de Vigo

Data impresión: 22/01/2018 11:36

Páxina 3 de 3

Expediente 11197/111

CSV: 2EED4-BE532-8C2AA-E53B5

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>